

matae, laciniis oblongis obtusis multiplicatis parvis. Flos polygamus dioicus, spadice ramoso brevi erecto, spathis partialibus (nec universali) lanceolatis spadice brevioribus. Calyx triphyllus foliolis acutis curvis erectis brevibus. Corolla monopetala cyathiformis trigona, limbo trifido inflexo minimo. Filamenta 6 brevissima limbo corollae insidentia, antheris subrotundis minutis. Pistilla 3. Drupae 3 ovatae parvae exsuccae inedules. Masculi calyx, corolla, stamina, ut hermaphroditi. Lour. l. c.

* 1934. ELEPHANTUSIA. W.

Phytelephas Ruiz et Pav. syst. 290.

HERMAPH. Cal. o. Cor. o. Stam. numerosa. Styl. 5 - f. 6-fidus. Drupae plures monospermae.

MASCULI. Cal. o. Cor. o. Stam. numerosa confertissima.

* 1. ELEPHANTUSIA *macrocarpa*. W.

E. frondibus pinnatis, caudice erecto. W.

Phytelephas (macrocarpa) frondibus longissimis pinnatis, caudice humili, capitulis fructuum maximis. Ruiz et Pav. syst. 301.

Großfrüchtige Elfenbeinpalme. W.

Habitat in Peru in nemoribus imis et calidis. Andium. h.

Indi pulcherrimae hujus Palmae frondibus tuguria tegunt. Fructus initio liquorem crystallinum et insipidum includunt, cujus ope peregrinatores sitim sedant, postea idem liquor lacteus dulcisque evadit, et prout majorem consistentiam acquirit ad eboris soliditatem usque accedentem, sapore variat. Fructibus teneris e planta excisis et diu servatis liquor acescit. Ex nucleis scipionum manubria, Pirurus, id est, fusorum verticillos aliaque speciosae formae corpora ebone candidiora incolae construunt, cujus colorem duritiemque retinent, dummodò diutius sub aqua non detine-